



**UBWAFWILISHO
UKUFUMA
KU MŪLU**

**AKALIBŪKU AKA KALEMBELWE
NA WATSON GOODMAN**

**KA BUPE FYE—
TE KUTI KASHITISHIWE**

Muli aka kalibuku aketwa ‘UBWAFWILISHO UKUFUMA KU MULU’ mwalembwamo amashiwi ayafuma muli Baibele ukulingana na masambilisho yayako. Ndectekelo kuti ifya muli Baibele e filondolola fye bwino umwalola Baibele.

Ishiwi lya kwa Lesa lifuma ‘ku mulu’ kibili lilāfwa abantu abali ne nsala ne cilaka ku kwishibo bulungami bwa kwa Lesa. Ilyo umuntu alapila no kulekeleshe mpulumushi pamo no kufwayo kuti Shikulu Yesu Kristu ekale mu mutima wakwe, e Iyo Shikulu aleisokolola kuli wene no kumupele nsansa shakwe shine, no mutende wakwe wine, ku kwikala mu mutima wa ulya mwina Kristu. Nga acite fi e kupokelela Shikulu Yesu Kristu ku kubo Mupusushi wakwe. Ni mu mwaka wa 1937 e mo nacetekele muli Shikulu Yesu Kristu, kibili ukufuma lilya no kufika ne li twendela pamo nankwe no mutima uwasansamuka. Nga ca kutila taulati ucetekele muli Shikulu, nakupāpāto kuti wipēle kuli wene **NOMBA LINE**.

— Ni ne Watson Goodman

UKUTEMWA KWA KWA LESA

1

Yeremia 31:3

Yehoba amoneke kuli wene ukufumo kutali, ati, Ukutemwa kwa muyayaya nalikutemwa, ni pali ici ntwalilila mu luse kuli iwe.

Roma 5:8

Lelo Lesa asokololo kututemwa kwakwe kwine, pa kuti ilyo twali tucili ababembu Kristu alitufwilile.

Yohane 13:1

Awe ilyo taulaisa umutebeto wa ca kucilila, Yesu aishibe ukuti yaise nshita yakwe iya kuti afume pano isonde no kuya kuli Wishi. Pa kutemwa abakwe abali pano isonde, abatemenwe na ku mpela.

Ukusokolola 1:5

Na kuli Yesu Kristu inte ya ci-shinka, ibeli lya babūka ku bafwa, kabilii kateka wa shamfumu sha pano nse. Ku watutemwa, uwatu-kakwilile na mu membu shesu ku mulopa wakwe.

Yohane 15:13

Takuli untu akwato kutemwa ukwacila pali uku, ukwa kuti umuntu apōsele ababiye umweo wakwe.

Yohane 3:16

Pantu Lesa atemenwe aba pano isonde ukutemwa kwa kuti apēle Umwana wakwe uwafyalwa eka, ukuti onse uumutetekela eonaika, lelo abe no mweo wa muyayaya.

BULESA BWA KWA YESU KRISTU

Mateo 1:22, 23

Awe ici conse caishileba ukuti cifishiwe icasosele Shikulu muli kasesema, aciti, Moneni, umukashana uushabala opwa akemita, no kufyalo mwana mwaume, kibili ishina lyakwe likenikwe Imanuele; icalola mu kuti, Lesa aba na ifwe.

Yohane 1:1 na 14

Mu kutendeka mwali Cebo, kibili Cebo ali pamo na Lesa, kibili Cebo ali ni Lesa. . . Kibili Cebo aishilebo buntunse, no kwikalaluli ifwe, (kibili twaloleshe ubukata bwakwe, ubukata ngo bwa wafyalwa eka kuli Wishi), uwaisulamo ukusenamina ne cine.

1 Timote 3:16

Kabili tutila kuli bonse, atuti, Cikulu ica nkama ca bukapepa: E wamoneke mu mubili, apēlwe insambu ku Mupashi; amwennwe kuli bamalaika, abililwe mu Bena fyalo, atetekelweko pano isonde, asendelwe ukuya mu mūlu mu bukata.

Yohane 14:9, 10

Yesu atile kuli wene, Bushe naba pamo na imwe inshita yakule fi, kibili tawanjishiba, Filippi? Uwamona ine, amona na Tata. Nga cinshi ulesosela, auti, Tulangeni Shinwe? Bushe tauletete-kela ukuti ine ndi muli Tata, na Tata muli ine?

YESU E MWANA WA KWA LESA

Kolose 2:9

Pa kuti muli Kristu e mwaikalo
mwisulo onse wa buLesa mu mu-
bili.

Esaya 9:6

Pantu umwana nafyalilwa kuli
ifwe, umwana mwaume napēlwa
kuli ifwe; bukateka bukaba pa
kubeya kwakwe, ne shina lyakwe
akenikwa, Kabilo wa cipesha a-
mano, Mulungu impalume; Wi-
shi wa nshita pe, Cilolo wa mu-
tende.

Mateo 17:5

Iyo acili alelanda, mona, iku-
mbi ilyabūta lyabakupikila; kibili,
mona, ishiwi lya mwi kumbi ali-
ti, Uyu e Mwana wandi uwate-

mwikwa, uo mbekelwamo; mu-
umfweni.

Luka 1:35

Na malaika alimwaswike, ati,
Umupashi wa mushilo ukesa pali
iwe, na 'maka yá Wapulamo ya-
kakufimba; kibili e co icikafya-
lwa ciketilwa ica mushilo, Umwa-
na wa kwa Lesa.

Mateo 3:17

Kibili moneni, ishiwi lya mu
mūlu aliti, Uyu e mwana wandi
uwatemwikwa, umo mbekelwa.

1 Yohane 4:15

Onse uusumino kuti Yesu
Mwana wa kwa Lesa, Lesa aikala
muli wene, na wene muli Lesa.

YESU ATWEBA IFYO ABA

Yohane 9:5

Ilyo ndi mu calo, ndi lubuto lwa calo.

Yohane 4:25, 26

Umwakanashi atile kuli wene, Ninjishiba ukuti aleisa Mesia (uwitwa Kristu): wene ilyo akesa akalondolola fyonse kuli ifwe. Yesu atile kuli wene, Ni 'ne wine ne ulesosa kuli iwe.

Yohane 13:13

Imwe munjita Kasambilisha kibili Shikulu: cena mulalunjika; pantu e fyo ndi.

Yohane 8:58

Yesu atile kuli bene, Ndemwebe cine cine, nati, ilyo Abrahamu acili talabako, ine ninshi e ko ndi.

Yohane 8:23

E lyo atile kuli bene, Imwe muli ba pano nse, ine ndi wa mu mulu; imwe muli ba pano isonde, ine nshili wa pano isonde.

Yohane 11:25

Yesu atile kuli wene, Ni 'ne kubuka kibili umweo: uuntetekela, nangu afwa, akaba no mweo.

Yohane 10:7

E ico Yesu atile kuli bene kibili, Ndemwebe cine cine, nati, ni 'ne mwinshi wa mpanga.

Yohane 6:35

Yesu atile kuli bene, Ni 'ne mukate wa mweo; uuleisa kuli ine takekatwe insala, kibili uuntetekela takekatwe icilaka nakalya.

IFIPESHA AMANO FIMO IFYO YESU ACITILE 5

Mateo 20:30 na 34

Mona, impofu shibili ishaikele pa mbali ya nshila, pa kuumfwo kuti Yesu alepita, shalibilikishe, ashiti, Tubeleleni uluse, mwe Shikulu, Mwana Dabidi. . . Awe Yesu aiketwe inkumbu, aikete pa menso ya shiko, na 'po pene shalimwene, no kumukonka.

Luka 5:4-6

Lelo ilyo alekele ukusosa, atile kuli Simone, Twalo bwato kwi tenga, muyepōsa amasumbu yenu ku kwipaya. Na Simone alyaswike, ati Mwe Cibinda, tucucutike ubushiku bonse, no kwipaya nangu limo nakalya. Lelo pa cebo

cenu ndepōsamo amasumbu. Na pa kucite fi, bakumbulwile ibumba likalamba lya masabi; na 'masumbu yabo yalalepuka.

Mateo 14:19-21

E lyo aebele amabumba ukukuwama pa cani; abūlile imikate isano no tusabi tubili, ainwina amenso mu mūlu, no kupāla; e lyo pa kumokaule mikate, apēle ku basambi bakwe, na 'basambi bapēle ku mabumba. Awe balīle bonse, no kwikuta; batōlele no tubufungau utwasheleko, imiseke ikumi na ibili. Na 'balīle bali abaume nalimo amakana yasano, ukufumyako abanakashi na 'bana.

6 YESU KRISTU E KALENGA WA FINTU FYONSE KABILI SHIKULU

AbaHebere 1:2

Lesa. . . lelo pa mpela ya nshiku shino nalandila kuli ifwe mu Mwana, uo asontele ukube mpyani ya fintu fyонse, muli uyo kabiili acitile ifya tuyayaya.

Roma 14:9

Pantu e co Kristu afwilile no kubuka no kuba no mweo, ukuti abe Shikulu wa bafwa na 'ba mweo.

Kolose 1:16

Pantu muli wene e mo fyalengelwe ifintu fyонse mu mulu na pano isonde, ifimoneka ne fishimoneka, nangu Fipuna fya bufu-

mu, nangu Bucibinda, nangu Bumulopwe, nangu Ba lupaka; ifintu fyонse fyalengelwe muli wene, kabiili fyalengelwe wene.

Yohane 1:3

Ifintu fyонse fyalengelwe kuli wene, kabiili ukwabula wene takwalengelwe cintu nangu cimo icalengelwe.

Imilimo 2:36

E ico lekeni bonse aba yanda ya kwa Israele beshibe bwino bwinno, ukuti, Yesu uo imwe mwatanike, Lesa acita wene Shikulu kabiili Kristu.

YESU KRISTU E KAPINGULA WA BANTU BONSE 7

Mateo 25:32

Ne nko shonse shikalongani-kwa ku cinso cakwe; kibili akabapātukanya, ifyo umucemi apātukanye mpānga ku mbushi.

Roma 14:10

Lelo iwe, nga cinshi ico upingwila munonko? Na iwe, cinshi ico usūlila munonko? Pantu ifwe bonse tukeminina ku ca kupingwila po ca kwa Lesa.

Imilimo 10:42

Kibili atukonkomeshe ukubila ku Bantu, no kushimikisho kuti e wasalwa kuli Lesa ku kuba Kapungula wa ba mweo na 'bafwa.

Luka 3:17

Ulupe lwakwe luli mu minwe yakwe ku kwelulwilako icipulilo cakwe, no kututile ngano mu butala bwakwe; lelo imisungu akoca ku mulilo uushishima.

Roma 2:16

Mu bushiku ilyo Lesa akapingwile fya mu bumfisolo ifya bantu muli Yesu Kristu, umwabele fyo imbila nsuma yandi isosa.

2 Timote 4:1

Ku menso ya kwa Lesa na 'ya kwa Kristu Yesu, uukapingula aba mweo na 'bafwa, na ku kumoneka kwakwe, no bufumu bwakwe, ndekukonkomesha nati.

TULUBULWA MULI KRISTU EKA

Yohane 14:6

Yesu atile kuli wene, Ni 'ne nshila ne cine no mweo: takuli uwisa kuli Tata, kano aishila muli ine.

Yohane 10:9

Ni 'ne mwinshi; ngo muntu aingilila muli ine, akapusuka, kabi li akulaingila no kufuma, no mulemfwe akulausanga.

1 Tesalonika 5:9

Pantu Lesa tatulingile ukulola ku bukali, lelo ukulola ku kumwene pusukilo muli Shikulwi-fwe Yesu Kr̄istu.

Imilimo 4:12

Ne pusukilo talili muli umbi nakalya, nangu lishina limbi ta-

kuli mwi samba lya mūlu ilyapēlwa mu bantu, umo tuli no kupo sukila.

AbaHebere 7:25

E ico kibili aba na 'maka pe aya kupusushisha abeshila muli wene kuli Lesa, pa kuba no mweo pe ku kubapāpātila.

Yohane 8:24

E ico ntile kuli imwe, Mukafwila mu membu shenu; pantu nga tamutetekela ukuti ni 'ne wine, mukafwila mu membu shenu.

AbaHebere 5:9

Kabili pa kulengwo kupwililila, aishilebo mwine 'pusukilo lya muyaya kuli bonse abamunakila.

TULUBULWA MULI KRISTU EKA

9

Luka 19:10

Pantu Umwana wa muntu
aishile ku kufwaya no kupususha
abaluba.

Ukusokolola 5:9

Kabili fileimbo lwimbo lupyā,
afiti: Mwawamino kubūlo mu-
fungilo, no kukakatule fikakati-
kilo fya uko; ico mwaipaiwe, ka-
bili mwashitile Lesa mu mulopa
wenu aba mu mikowa yonse na
'ba ndimi, na 'bantu na 'bantu, na
'ba nko.

1 Korinti 1:30

Lelo e ntulo ya mweo wenu
muli Kristu Yesu, uo Lesa alenge-
le ukuba amano yesu, kabili ubu-

lungami bwesu, kabili ukushila
kwesu, na kabili ukulubuka kwe-
su.

Kolose 1:12-14

Mube abatōtela Shifwe, uwa-
tuwamishe ukuba abakumako ku
bupyani bwa bashila ba mu lu-
būto, uwatupokolwele ku lupaka
lwa mfifi, no kutupilibwila mu
bufumu bwa Mwana wakwe uwa-
temwikwa. Muli uyo e mo twa-
kwatilo kulubuka, e kulekelelwe
membu.

Tito 2:14

Uwaipēle pali ifwe, ukuti atulu-
bule ku bupulumushi bonse, no
kuisangulwila abantu bakwe bene
abacincilile milimo isuma.

10 TULUNGAMIKILWA MU MULOPA WA KWA KRISTU

1 Yohane 1:7

Lelo nga twenda mu lubuto, ifyo wene ali mu lubuto, tuli ne senge umo umo no mubiye, no mulopa wa kwa Yesu Umwana wakwe utusangulula ku lubembu lonse.

Efese 1:7

Muli uyo twabela no kulubuka mu mulopa wakwe, ukulekelewa kwa mampulu yesu, umwabelo bucindami bwa kusenamina kwa-kwe.

AbaHebere 9:14

Pali bufi umulopa wa kwa Kristu, uwaitulile uwabula akalema kuli Lesa mu Mupashi wa mu-

yayaya, ukasangulula bakampingu wenu ku milimo yafwa no kumulosha mu kubombela Lesa wa mweo.

Roma 5:9

E ico, apo twalungamikilwa nomba ku mulopa wakwe, pali bufi tukapusukila muli wene ku bukali.

1 Petro 1:18, 19

Pa kwishibo kuti mwalubwilwe ku mibele yenu ya fye iyashililwe imwe kuli bashinwe, tamwalubwilwe ku fyonaika, silfere atemwa golde, lelo ni ku mulopa uwafinisha wa kwa Kristu, ngo wa mwana wa mpanga uwabula akalema kibili uwabula akabi.

Roma 5:1

E ico pa kuba abalungamiki-lwa ku citetekelo, tubele no mutende kuli Lesa muli Shikulwifwe Yesu Kristu.

Galatia 5:6

Pantu muli Kristu Yesu ukusembululwa takwafwa kantu, nangu kubulo kusembululwa; kano icitetekelo icibombela mu kutemwa.

Efese 2:8, 9

Pantu ni ku kusenamina mwapusukila, pa kutetekela; kibili tecintu cafuma kuli imwe, ca bupe ca kwa Lesa; tacafuma mu milimo, pa kuti umuntu tengatakisha.

Yohane 6:28, 29

E ico batile kuli wene, Nga kanshi tulecita shani ukuti tulebombe milimo ya kwa Lesa? Yesu alyaswike, atile kuli bene, Uyu emulimo wa kwa Lesa, ukuti mutetekele uo atumine.

Yohane 20:31

Lelo ifi fyalembwa ukuti mutetekele ukuti Yesu e Kristu, Umwana wa kwa Lesa; no kuti mube no mweo mwi shina lyakwe pakutetekela.

1 Yohane 5:4

Pantu conse icafyalwa kuli Lesa cicimfyा ifya pano isonde. No kucimfyा ukucimfyा pano isonde ni uku, citetekelo cesu.

ULUSE LWA KWA LESA

Inyimbo sha Bulanda
3:22, 23

Uluse lwa kwa Yehoba talupe-lela, inkumbu shakwe tashipwa; shipya ulucelo no lucelo; icishinka cenu cikulu.

Tito 3:5

Kabili alitupuswishe, te ku milimo ya bulungami iyo twacitile, lelo umwabelo luse Iwakwe, mu kusamba kwa kufyalwa libili no kulengwa cipyapya cipyapya ku Mupashi wa mushilo.

Amalumbo 103:11

Pantu ifyo yasansama imyulu ukufuma pano isonde, e fyo lwakulo luse Iwakwe ku bamutina.

Mika 7:18

Ni uyani umulungu uwaba nga imwe? uulekelela amampūlu, uuleko bupulumushi pa bashalako ba cikwatwa cakwe. Tasāmiko mutima wakwe pe, pantu untu abekelwo luse.

Amalumbo 108:4

Pantu lwakula Iwapulamo mu myulu uluse Iwenu, cafika na mu makumbi aya bungululu icishinka cenu.

Amalumbo 103:17

Lelo uluse lwa kwa Yehoba lwafumo muyayaya no kuyo muyayaya, no bulungami bwakwe buya ku bana ba bana.

Yohane 7:37

Na mu bushiku bwa kupelelekesha, ubushiku bukalamba bwa mutebeto, Yesu aliiminine, abilikishe, ati, Ngo muntu aumfwe cilaka, ese kuli ine, anwe.

Esaya 55:1

Iye, mwe ba cilaka bonse, iseni ku menshi, abashaba na silfere, iseni, shiteni ingano, mulye. Iseni mushite ingano apabula silfere, no mwangashi ne shiba apabulo mutengo!

2 Korinti 5:20

E ico twabela Kristu inkombe, kwati ni Lesa e ulepāpātila muli ifwe: tumulombela kuli Kristu, atuti, Shi muwikishiwe kuli Lesa.

Ukusokolola 22:17

Umupashi na Nabwinga batila, Iseni; no uleumfwa asose, ati, Iseni; no uleumfwe cilaka ese, uulefwaya abūlepo ica bupe amenshi ya Mweo.

Mateo 11:28

Iseni kuli ine, bonse mwe bacutika kibili abafinwa, na ine nalamupēlo kutusha.

Esaya 1:18

Shi endeni, tukalulushanye, e fyasosa Yehoba: imembu shenu nelyo shaba nge fyakashika ce, kuti shabūta nge mfula yabūta; nelyo shakashikisha nge nsalu ishakashika ce, shikabe shabūta nga 'masako ya mpānga.

14 ABANTU BAMO TABALI BANA BA KWA LESA

Filipi 2:15

Ukuti mube ababulo mulandu kibili abafuke, abana ba kwa Lesa ababula akalema mu kati ka nkulo iyapondama kibili iyapūluka, muli iyo mumoneka nge fyengelo pano nse.

Yohane 1:12

Lelo abo bene abamusekelele, abatetekele ishina lyakwe, abapēle amaka aya kuba abana ba kwa Lesa.

2 Korinti 6:17, 18

E ico fumeni mwi bumba lya-bo, mupātukeko, e fyo asosa Shikulu, kibili mwiikatako ku cisha-sanguluka; na ine nkamusekelela,

kibili nkaba Shinwe, na imwe mukaba abana bandi abaume na 'bana bandi abanakashi, e fyo asosa Shikulu wa maka yonse.

Roma 8:14, 15

Pantu bonse abatungululwa ku Mupashi wa kwa Lesa, bene bana ba kwa Lesa. Pantu tamwapokelele mupashi wa busha, wa kubweseha ku kutīna; lelo mwapokelele umupashi wa bwana. Ilyo tubilikisha, atuti, Abba! Tata!

1 Yohane 3:10

Muli ici e mumonekela abana ba kwa Lesa, na 'bana ba kwa Kasēbanya; onse uushicita bulungami te wa kwa Lesa, nangu untu ashatemwa munyina.

IFYO LESA ALANDA PA MULANDU WA BWALWA NE FINTU FIMBI IFIKOLA

15

Esaya 5:11

**Kalandu ku bacelelo luceloce-
lo, basupile ca kunwa icikola, a-
bakokola ukufika ku macaca wa-
suka umwangashi wababimbule
mitima.**

Amapinda 23:31, 32

**Wilolesha mwangashi ilyo wa-
kashika, ilyo wabengeshima mu-
lukombo, ilyo ubelema nauta-
mbalala pa mukoshi, lelo pa nu-
ma usuma nge nsoka, kibili ulasa
nge folo.**

Roma 13:13, 14

**Twende busaka busaka nga mu-
kasuba; te mu kukolwakolwa, te
mu kukunda na muli bucisenene,**

**te mu fikansa na mu kalumwa.
Lelo fwale ni Shikulu Yesu Kristu,
kibili mwilalangulukila bumubili
umwa kufishishapo ulunkumbwa
lwa buko.**

Galatia 5:19-21

**Lelo imilimo ya bumubili ili pa
mbilibili, ni 'yi, ubulalelale, uku-
kowela, bucilende, ukupepo tulu-
bi, ubuloshi, ulupato, ifikansa, a-
kalumwa, icipyu, akafindwe, aka-
pātulula, bucaibela, akaso, uku-
kolwakolwa, iciwowo, ne fyali-
ngana ne fi; ndemwebela libela,
ifyo namwebele kale, nati, abale-
cite fyabe fi tabakapyane ubufu-
mu bwa kwa Lesa.**

16 UKUFWAYA KRISTU UKWABULO BUCETEKELO TE KUTI CITUPUSUSHE IYO

Mateo 22:37, 38

Na o atile kuli wene, Ulete-mwa sokulu Lesa ku mutima obe onse, na ku mweo obe onse, na ku kutontonkanya kobe konse. Ifunde ili likulu kabili lya ntanshi.

Marko 10:17-22

Kabili Yesu pa kufumako aye mu nshila, umuntu abutukileko no kumufukamina, alamwipusha, ati, Mwe Kasambilisha musuma, kuti nacita nshi ukuti mpyane umweo wa tuyayaya? Na Yesu atile kuli wene, Cinshi ico wanumbwila umusuma? Tapaba musuma kano umo, ni Lesa. Walishiba amafunde: wilatala misoka,

wilacita bucende, wilaiba, wilabepesha, wilafinsha, cindika wiso na noko. Na o atile kuli wene, Mwe Kasambilisha, fyonse ifi nasunga ukufuma ku bwaice bwandi. Na Yesu pa kumulolesha alimutemenwe. Kabili atile kuli wene, Cimo e cabula kuli iwe; kabiye, kashishe fyonse ifyo ukwete, upēle ababusu, e lyo ukaba ne fyuma mu mūlu; e lyo wise, unkonke. Awe icinso cakwe cawila pa kuumfwe cebo, aile nabombo-mana; pantu akwete ifyuma ifingi.

Amapinda 16:25

Kuli inshila iyawama ku cinso ca muntu, lelo ku mpela ya iko ni nshila sha mfwa.

Galatia 6:3

Pantu ngo muntu aitungo kube cintu, apo tali cintu, aibepo mwine.

Galatia 6:7

Mwilufiwa; Lesa tasentekwa; pantu ico umuntu abyala, e co akalobolola.

Yakobo 1:22

Awe mube bakacita wa cebo, te ba kuumfwa fye iyo, e kuikopeka fye.

1 Korinti 6:9, 10

Yangu! bushe tamwaishibo kuti abashalungama tabakapyane ubufumu bwa kwa Lesa? Mwitumpi-kwa; nangu ba bulalelale, nangu abapepo tulubi, nangu bacende,

nangu ababembuka na 'baume banabo, nangu bapupu, nangu ba lwinso, nangu abakolwo bwalwa, nangu ba nsele, nangu fipondo, tabakapyane ubufumu bwa kwa Lesa.

Efese 5:6

Mwileka umo amulufye ku fye-bo fya fye; pantu ifi fintu fileto bukali bwa kwa Lesa pa bana ba bucintomfwa.

1 Yohane 3:7, 8

Mwe twana, mwileka muntu amulufye: uucito bulungami mulungami, ifyo Wene mulungami; uucito lubembu wa kwa Kasēbanya, ico Kasēbanya abembuka fye ukufuma ku kutendekā.

UBUPULUMUSHI BULETE MFWA

Esekiele 18:20

Umuntu uubembuka, wene akafwa. Mwane takashingamwe amampūlu ya kwa wishi, kibili wishi takashingamwe amampūlu ya kwa mwane; ubulungami bwa mulungami bukaba pali wene, no bubifi bwa mubifi bukaba pali wene.

Roma 8:6

Pantu ukwangwo mubili ni mfwa, no kwangwo Mupashi mweo no mutende.

Amapinda 11:19

Ubulungami bulola ku mweo; no bubi busupilo kulola ku mfwa.

Luka 15:32

Lelo tufwile ukusangalala no kusekelela: ico munonko uyu alifwile, nomba ali no mweo; aliluble, kibili alondoka.

Roma 5:12

E ico filya ulubembu Iwaingilile mu muntu umo pano isonde, ne mfwa yaingilile mu lubembu; e fyo ne mfwa yayambukile ku bantu bonse, pantu bonse balibembwike.

Yakobo 1:15

E lyo ulunkumbwa ilyo Iwaimita lufyalo lubembu, no lubembu ilyo Iwakula lufyale mfwa.

Yohane 11:43, 44

Kibili ilyo asosele ifi, abiliki-she ishiwi likalamba, ati, We La-saro, fumina kuno nse. No wa-fwile alifumine, nakakwa amaka-sa na 'maboko ku nsalu isho apo-mbelwemo, na ku menso naku-pombwa icitambala. Yesu atile kuli bene, Mukakuleni, mulekeni aye.

Ukusokolola 1:18

Nali uwafwa, nomba mona ndi Wa mweo umuyayaya umuyaya-ya, kibili ndi ne mfungulo sha mfwा na ku Mbo.

Yohane 10:17, 18

Pa mulandu wa ici e co Tata antemenwa, pa kuti ndetūlo

mweo wandi ukuti ngubūle kibili. Takuli uwingaupoka kuli ine, le-lo ndeutūla ne mwine. Ndi na 'maka ya kuutūla, kibili ndi na 'maka ya kuubūla kibili. Ifunde ili napokelele kuli Tata.

Luka 7:14, 15

Kibili ayako, akumya na ku busamba; awe abapingile baliimi-nine, na o atile, We mulumendo, ndekweba, nati, Ima. E lyo uwa-fwile aliimine, no kutendeko ku-landa. . .

Yohane 5:21

Pantu ifyo fine Wishi abūsha abafwa no kubalenga aba mweo, e fyo Umwana na o alenga uwa mweo uo atemenwe.

AMAFUNDE YA KWA LESA

Amalango 5:7-21

Wilaba na milungu imbi pamo na ine.

Wilacita cabaswa, icipasho conse ca cintu ca mu mūlu pa mūlu, nangu ca mu calo pe samba, nangu mu menshi pa nshi ya calo: wilafishinshimuna, nangu kufibombela. . .

Wilalumbula ishina lya kwa Yehoba Lesa obe apa fye; pantu Yehoba takamulinge uwa kaele untu alumbula ishina lya-kwe apa fye.

Akubako bushiku bwe sabata, ku kubushisha, ifyo Yehoba Lesa obe akwebele. Inshiku mutanda uleomba no kucitamo u-

mulimo obe onse: lelo ubushiku bwa cinelubali bwe sabata ku li Yehoba Lesa obe. . .

Ulecindika wiso na noko, ifyo Yehoba Lesa obe akwebele. . .

Wilatala misoka;

Nangu kucito bucende;

Nangu kwiba;

Nangu kushinino mubiyo ubunte bwa bufi;

Nangu kukumbwa muka mubiyo, nangu kukumbwa ijanda ya mubiyo, icilime cakwe, nangu mubomfi wakwe, nangu ni cishiko wakwe, nangu ni ɔjombe yakwe, nangu ni mpunda yakwe, nangu conse ca mubiyo.

Yobo 34:21, 22

Pantu amenso yakwe alosha pa mibele ya muntu, ne ntampwilo shakwe shonse alashimona. Takuli imfifi, kibili takuli ukufita fititi, ukwa kubelame ncitabu.

Yeremia 23:24

Bushe umuntu engafisama umwa kufisama na ine nshimuwene? cisemo ca kwa Yehoba. Bushe te ine naisula pā mu myulu ne calo? cisemo ca kwa Yehoba.

Luka 8:17

Pantu takuli icifiseme icishakamoneke, nangu icibeleme icishakeshibikwe, no kusokoloka.

Amapinda 15:3

Amenso ya kwa Yehoba yali mu ncende shonse, yalecefya ababi na 'basuma.

Amalumbo 139:8 na 12

Nga nanina naya mu mūlu, e mo mwaba; nga nayanshiko mусенгеле ku Mbo, moneni, e ko mwaba. . . imfifi na yo tailenga kufita kuli imwe, no bushiku bwabūtusha nga 'kasuba; imfifi ili ngo kubūta.

AbaHebere 4:13

Kibili takuli icibumbwa icishimoneka ku menso yakwe; awe ifintu fyonse fyabo bwamba kabilii fyalikupukulwa ku menso ya kwa uyo tuli no kulubululako.

ABABI BALI NO KUKANDWA UMUYAYAYA

Mateo 25:46

Kabili aba bakafumapo, baka-ya ku kulimunwa kwa tuyayaya; lelo abalungami bakaya ku mweo wa tuyayaya.

2 Petro 3:7

Lelo imyulu ne calo ifya nomba fyabakilwo mulilo ku cebo ico cine, fyabikilwo bushiku bwa kusekwa kabili bwa boni bwa bantu abashipepa.

Mateo 13:41, 42

Umwana wa muntu akatuma bamalaika bakwe, na bo bakalognanika ukubafumya mu bufumu bwakwe bonse ababe fya kupunwisha, na 'bacito bupulumushi,

no kubapōsa mwi lungu lya mulilo; kulya kukabo kulila no kusumanya ameno.

Mateo 18:8

Lelo ukuboko kobe nalimo ulukasa lobe nga cakulengo kuipununa, ciputuleko, pōsa cifume kuli iwe; cisuma kuli iwe ukwingila mu mweo uwa makunkutu nalimo uwalemano kōlu, ukucilo kuba na 'maboko yabili nalimo amakasa yabili no kupōswa mu mulilo wa pe.

2 Tesalonika 1:9

Bantu abakamono kukandwa, uboni bwa tuyayaya, ukufuma ku cinso ca kwa Shikulu na ku bukata bwa maka yakwe.

AbaHebere 9:27

Kabili ifyo calingilwa abantu ukufwa limo, ne cakonkapo kupingulwa.

Roma 14:12

Awe, ifwe bonse umo umo tutkalubulula kuli Lesa.

2 Petro 2:9

Shikulu aishibo kupokolola bakaapepa ku ca kwesha, no kulinda abashalungama ukufika ku bushiku bwa bupingushi.

1 Yohane 4:17

Muli ici e mo ukutemwa kwalengelwo kufikapo muli ifwe, ukuti tube no kupama mu bushi-

ku bwa bupingushi; pa kuti ifyo Wene aba, e fyo na ifwe twaba pano isonde.

Imilimo 17:31

Pa kuti alingile ubushiku umo akapingwila aba pano isonde mu bulungami ku muntu uyo asonte-
le; na pali ici apēle ca kuputule
fikansa ku bantu bonse pa ku-
mwimya ku bafwa.

2 Korinti 5:10

Pantu tuli no kumoneka bonse ku cipuna ca kupingwilapo ca kwa Kristu, ukuti onse umo umo apokelele ku fyacitilwe mu mu-
bili, umwabele fyo abombele, na-
pamo icisuma napamo icibi.

UKUSENAMINA KWA KWA YESU KRISTU

Imilimo 4:33

Kabili ku maka yakalamba abatumwa baleshimiko kwima kwa kwa Shikulu Yesu ubunte, no kusenamina kukalamba kwali pali abo bonse.

Roma 9:16

E ico kwena, te ca ufwaya nangu ca ubutuka iyo, lelo ca kwa Lesa uubelelo luse.

Roma 5:15

Lelo ica bupe tacaba ifyo ukupūluka kwaba iyo. Pantu icinabwingi nga cawile ku kupūluka kwa muntu umo, ukusenamina kwa kwa Lesa, ne ca bupe ca mu kusenamina kwa muntu umo, Ye-

su Kristu, fyafulilako ukucilamo apakalamba ku cinabwingi.

2 Korinti 9:15

Kube ukutōtela kuli Lesa pa ca bupe cakwe icishingalandwa!

1 Petro 5:5

. . . Lesa acincintila aba mīya, lelo ku bapetama apēlo kusenamina.

2 Korinti 8:9

Pantu mwaishibo kusenamina kwa kwa Shikulwifwe Yesu Kristu, ukuti nelyo āli uwacindama aisangwile umubusu pa mulandu wenu, ukuti imwe mu bubusu bwakwe e mo mucindamine.

UKULAPILA

Amapinda 28:13

Uufimba pa fya bupulumushi fyakwe takashuke; lelo uufitumbula no kufileka akacitwe nkumbu.

2 Korinti 7:10

Pantu ubulanda ubuya umwala Lesa bucito kulapila ukutwala ku kupusuka, ukushicita kulguluka, lelo ubulanda bwa pano isonde bucite mfwā.

Imilimo 2:38

Awe Petro atile kuli bene, Lapileni, no kubatishiwa onse wa muli imwe mwi shina lya kwa Yesu Kristu ku kulekelelwe membu shenu, e lyo mukapokelele ca bupe Umupashi wa mushilo.

Mateo 3:2

Ati, Lapileni; pantu ubufumu bwa mu mūlu nabupalama.

Imilimo 3:19

E ico lapileni, kibili pilibukileni ku kupashilwe membu shenu, ukuti kukese inshita sha·ku·pūpūtula ukufuma ku cinso ca kwa Shikulu.

Imilimo 17:30

E ico inshita sha kukanaishiba shena Lesa alisisūlile lelo nomba akonkomesha abantu bonse konse konse ukulapila.

Luka 13:3

Ndetila kuli imwe, Iyo; lelo nga mwakāno kulapila, mukonai·ka filya fine na imwe bonse.

UKWELELWE MPULUMUSHI

Esekiele 18:21

Lelo umubifi nga abwela mu membu shakwe shonse isho acita, abaka ne fipope fyandi fyonse, no kucito bupingushi no bulungami, ukuba no mweo akaba no mweo, takafwe.

Esaya 55:7

Imbifi ileke imibele ya iko, ne ncitatubi amapange ya iko; babwelele na kuli Yehoba, na o akabacite nkumbu, babwelele na kuli Lesa wesu, pantu akabalekelala apakalamba.

Mateo 6:14

Pantu nga mwalekelela abantu amampūlu yabo, Shinwe wa mu mūlu akalekelela na imwe.

Ukusokolola 3:20

Mona, ninjiminina pa mwinshi, no kukunkunsha; ngo muntu aumfwe shiwi lyandi no kwisulako ku mwinshi, ndeingila kuli wene, no kulila pamo nankwe umulalilo, na wene alelila pamo an ine.

Marko 2:5

Na Yesu pa kumone citetekelo cabo, aebo wa bulebe, ati, We mwana, shalekelewa imembu shobe.

Imilimo 5:31

E o Lesa asansabike ku kwa kulyo kwakwe Kelenganya kabili Katūla, ku kupa kuli Israele ukulapila no kulekelelwe membu.

Efese 5:11

Kabili mwiba ne senge na bo mu milimo iishitwala iya mfifi; lelo ukwebaula kwena mwebaule.

Kolose 3:2

Bikeni imitima pa fya mu mülu, te pa fya pano nse.

Esaya 1:16

Iminwe yenu yaisulamo imilopa; sambeni, isangululen, fumyeni ububi bwa micitile yenu pa mulola wa menso yandi, lekeni ukucito bubi.

1 Yohane 2:15, 16

Mwitemwa pano isonde, nangu fya pano isonde; ngo muntu ate-

mwa pano isonde, ukutemwa Shifwe tamwaba muli wene. Pantu conse ca pano isonde, lunkumbwa lwa mubili, no Iwinso lwa menso, na 'mataki ya mikalile ino, tacafuma kuli Shifwe, lelo ca pano isonde.

Tito 2:11, 12

Pantu ukusenamina kwa kwa Lesa kwamoneke ku kuletela abantu bonse ipusukilo, pa kutufunda ukuti tube abakāna ukubulapepa ne fya lunkumbwa fya pano isonde, kabili tube no mweo wa kutekanya, kabili uwa bulungami, kabili umwabela bukapepa mu bwikashi buno bwa nomba.

UKUFYALWA CIPYA CIPYA

1 Yohane 5:18

Twaishibo kuti onse uwafyaliwa kuli Lesa tabembuka: lelo Uwafyelwe kuli Lesa amubaka, no Mubifi tamwikata iyo.

1 Petro 1:23

Mwafyalwa cipyा cipyा, te ku lubuto ulubola lelo ku lushibola, ku cebo ca kwa Lesa ica mweo, icaikalilila.

1 Korinti 6:11

Kabili imwe bambo e fyo mwali; lelo mwalisambilwe, lelo mwalishishiwe, lelo mwalungamikilwe kwi shina lya kwa Shikulu Yesu Kristu na mu Mupashi wa kwa Lesa wesu.

Esekiele 36:26

Nkapēla kuli imwe umutima upya no kubika mu nda shenu umupashi upya, nkafumyo mutima we bwe mu mibili yenu no kuppēla kuli imwe umutima wa munofu.

2 Korinti 5:17

E ico ngo muntu ali muli Kristu, abe cibumbwa cipyा: ifya kale nafiya; moneni, fyayalulwe fipyा.

Yohane 3:3

Yesu alyaswike, atile kuli wene, Ndekwebe cine cine, nati, ngo muntu tafyelwe ukufyalwa kwa mu mūlu, te kuti amone ubufumu bwa kwa Lesa.

UKUBA ABAFWA KU LUBEMBU — KABILI ABABŪSHIWA MULI KRISTU

29

Galatia 5:24

Awe aba kwa Kristu Yesu nabitani ka bumibili pamo ne fya mufimbila ne fya lunkumbwa fya buko.

1 Petro 2:24

Wene asendele imembu shesu umwine mu mubili wakwe pa cimuti, ukuti fwe bali abafwa lubali ku lubembu, tube aba mweo lubali ku bulungami; ni ku filaso fyakwe e ko mwaposhiwe.

Kolose 3:1-3

E ico nga mwabūshiwe pamo na Kristu, fwayeni ifya mu mūlu, uko Kristu aba, aikala ku kwa kulyo kwa kwa Lesa. Bikeni imi-

tima pa fya mu mūlu, te pa fya pano nse; pantu mwalifwile, no mweo wenu wafishilwa pamo na Kristu muli Lesa.

Roma 6:2 na 11

Fwe bafwile lubali ku lubembu, bushe twingekalamo shani kabili? . . . E fyo na imwe muilinge abafwa lubali ku lubembu, kabili abamweo lubali kuli Lesa muli Yesu Kristu Shikulwifwe.

Efese 2:1 na 6

Na imwe pa kuba abafwa mu mampūlu na mu membu. . . kabili atubūshishe pamo na Kristu no kutwikalika pamo nankwe mu myulu muli Kristu Yesu.

UMWEO WA MUYAYAYA

Yohane 17:3

Awe uyu e mweo wa muyaya-ya, ukuti bamwishi, mwe Lesa wine wine mweka, no yo mwatu-mine, ni Yesu Kristu.

Yohane 3:36

Uutetekelo Mwana aba no mweo wa muyayaya; uushumfwa Mwana takamone umweo, lelo icipyu ca kwa Lesa caikala pali wene.

Galatia 6:8

Uubyala ku mibili wakwe wi-ne, ku mibili akalobololako uku-bola; lelo uubyala ku Mupashi, ku Mupashi wine akalobololako umweo wa muyayaya.

Roma 6:23

Pantu icilambu ca lubembu ni mfwa; lelo ica bupe ca kwa Lesa mweo wa muyayaya muli Yesu Kristu Shikulwifwe.

Yohane 5:24

Ndemwebe cine cine, nati, u-uleumfwe cebo candi, no kutete-kela uwantumine, aba no mweo wa muyayaya; kibili tesa mu bu-pingushi, lelo nafuma mu mfwa naingila mu mweo.

Yohane 3:14, 15

Kibili filya Mose atumpwile insoka mu matololo, e fyo Umwana wa muntu ali no kutu-mpulwa, ukuti onse uumutetekela abe no mweo wa muyayaya.

Yohane 14:21

Uukwete amafunde yandi no kuyabaka, wene ninshi e wantemwa; no wantemwa akatemwika kuli Tata, na ine nkamutemwa no kuilanga kuli wene.

Esaya 32:17

Umulimo wa bulungami ukabo mutende, ne cifuma mu bulungami, ukuba tondolo no kusūbikila umuyayaya.

1 Yohane 3:18, 19, 24

Mwe twana, twitemwa ku cebō nangu ku lulimi, lelo ku mili-mo na kū cine. Kabilis muli ici e mo kuti twaishibilo kuti tuli ba mu cine, no kuteke mitima yesu ku cinso cakwe... Kabilis uubaka

amafunde yakwe aikala muli Wene, na o muli wene. Kabilis ni kuli ici twaishibilo kuti aikala muli ifwe, ku Mupashi uuntu atupēle.

1 Yohane 4:13

E mo twaishibilo kuti twaikala muli wene na wene muli ifwe, ico natupēlako Umupashi wakwe.

Roma 8:16

E Mupashi wine uleshimikilo bunte pamo ne mitima yesu ukuti tuli bana ba kwa Lesa.

Galatia 4:6

Awe ico muli bana, e co Lesa atumīne Umupashi wa Mwana wakwe ku kuba mu mitima yenu, ulebilikisha, auti, Abba, Tata.

32 KRISTU, UULI MULI IFWE, ATUPĒLE NSANSA

Esaya 12:3

E ico mukatapa amenshi ku tumfukumfuku twe pusukilo mu lesekela.

Yohane 17:13

Lelo nomba ndeisa kuli imwe; ne fi fintu ndelanda pano isonde, ukuti babe no kusansamuka kwandi ukwafikapo muli bene.

Galatia 2:20

Nintanikilwa pamo na Kristu; te ine ndi no mweo nomba, ni Kristu e wabo mweo muli ine; no mweo ndi na o nomba mu mibili ndi na o mu kutetekelo Mwana wa kwa Lesa, uwantemenwe no kwipēla pa mulandu wa ine.

Amalumbo 16:11

Mulenengo kwishibo mwa kuyila ku mweo, ku cinsó cenu kwa bo kusekelela ukwafikapo, mu kuboko kwenu kwa kulyo mwabe fya muilemeno pe.

Yohane 15:11

Ifi fintu nalanda kuli imwe, ukuti ukusansamuka kwandi kube muli imwe, no kusansamuka kwenu kufishiwepo.

Roma 14:17

Pantu ubufumu bwa kwa Lesa te kulya no kunwa, lelo bulungami no mutende no kusekelela mu Mupashi wa mushilo.

2 Tesalonika 1:7-9

Na kuli imwe, mwe balecushiwá, ukutaulukila pamo na ifwe, ilyo Shikulu Yesu akasokololwa ukufuma mu mūlu pamo na bamaika ba maka yakwe mu mulilo uulebilima, ukucite cilandushi ku bakāno kwishiba Lesa, na ku bashinakila mbila nsuma ya kwa Shikulwifwe Yesu; bantu abakamono kukandwa, uboni bwa muyayaya, ukufuma ku cinso ca kwa Shikulu na ku bukata bwa maka yakwe.

Amalango 11:26-28

Moneni ndebika ku cinso cenu lelo ipālo ne citipu: ipālo nga mwaumfwa ku mafunde ya kwa

Yehoba Lesa wenu, ayo ndemweba lelo; ne citipu nga tamuumfwile ku mafunde ya kwa Yehoba Lesa wenu.

Roma 6:16

Bushe tamwaishibo kuti mulibasha ba uyo muleumfwako, uyo mwaitūlako abasha ku kumuumfwa; nalimo aba lubembu ultwala ku mfwa, nalimo aba cumfwila icitwala ku bulungami?

1 Samwele 12:15

Lelo nga mwakāno kuumfwa kwi shiwi lya kwa Yehoba, kabilí mwatalamina akanwa ka kwa Yehoba, e ilyo ukuboko kwa kwa Yehoba kukakokomena pali imwe na pa mfumu yenu.

TUFWILE UKUSHIMIKA KRISTU UBUNTE

1 Yohane 2:23

Onse uukāno Mwana, takwete na Wishi wine: uusumino Mwana akwata na Wishi.

Mateo 10:32, 33

E ico umuntu onse uunumbula bwino ku menso ya bantu, na ine nkamulumbula ku menso ya kwa Tata wa mu mūlu; lelo onse ukankāna pa cinso ca bantu, na ine nkamukāna pa cinso ca kwa Tata wa mu mūlu.

Roma 10:9, 10

Pantu ukapusuka nga walumbula ku kanwa kobe, auti, Kristu e Shikulu, kabilii watetekela mu mutima obe, auti, Lesa amubūshishe ku bafwa; pantu ku mu-

tima umuntu atetekela no kulgamikwa, kabilii ku kanwa alumbula no kupusuka.

Luka 9:26

Pantu onse uwabela ine insoni ne fyebo fyandi, Umwana wa muntu akamubele nsoni, ilyo akesa mu bukata bwakwe no bwa kwa Wishi no bwa bamalaika ba mushilo.

Filipi 2:11

No lulimi lonse lukasose, ukuti, Yesu Kristu e Shikulu; kube ubukata kuli Lesa Shifwe.

1 Yohane 4:15

Onse uusumino kuti Yesu Mwana wa kwa Lesa, Lesa aikala muli wene, na wene muli Lesa.

1 Petro 5:8

Tekanyeni, loleni. Icibambe cenu, Kasēbanya wine, endauka nge nkalamo iilelila, ukufwaya untu engalya.

2 Tesalonika 2:9

Uyo Mupulumushi ukwisa kwakwe kwabelo mwalolo kumbaba kwa kwa Satana, mu maka yonse ne fīshibili ne fipesha amano fya bufi.

Mateo 4:1 na 10, 11

E lyo Yesu atungulwilwe no Mupashi ku matololo ku kweshiwa kuli Kasēbanya. . . E lyo Yesu atile kuli wene, Fuma apa, we Satana: pantu calembwa, aciti, Sokulu Lesa obe e o ulepepa, ka-

bili wene eka e o ulebombela. E lyo Kasēbanya amusha; kabilimoneni, bamalaika baishileko no kumupyungila.

Efese 6:11

Fwaleni ifya bulwi fya kwa Lesa, ukuti mube abakosa ku kushangilile fya kubeleleka fya kwa Kasēbanya.

Imilimo 26:18

Ndekutumako ku kushibula amenso yabo, ku kuleka bapilibuke ku mfifi balole mu lubūto, bapilibuke na ku maka ya kwa Satana balole kuli Lesa, ku kuyamono kulekelelwe membu shabo na 'pa kwikala mu bashishiwa ku kutetekela kwa kuli ine.

Yakobo 4:7, 8

E ico lambeni kuli Lesa; lelo kāneni Kasēbanya, na o akafulumuka kuli imwe. Palameni kuli Lesa, na o alapalama kuli imwe.

1 Yohane 3:8

Uucito lubembu wa kwa Kasēbanya, ico Kasēbanya abembuka fye ukufuma ku kutendeka. E co amonekēle Umwana wa kwa Lesa, ica cuti asopolole imilimo ya kwa Kasēbanya.

Roma 8:35 na 37

N' ani akatupātululako ku kutehma kwa kwa Kristu? Bushe bucushi, napamo kushikitika, napamo kupakaswa, napamo cipo-

we, napamo bwamba, napamo kupōswa ku bulwani, napamo lupanga? . . . Lelo muli ifi fyonse tuli abacimfy a bacilamo pa mullandu wa watutemenwe.

AbaHebere 2:14

E ico apo abana bakumako ku buntunse bwa mulopa no mibili, no mwine ifyo fine akumisheko ku buntunse bwabo, ukuti mu kufwa afubalishe uukwete amaka ya mfwā (uyo ni Kasēbanya).

2 Tesalonika 2:8

E lyo Umupulumushi ulya aka-sokololwa, untu Shikulu Yesu akonaula ku mupu wa mu kanwa kakwe, no kumusangule ca fye ku kumoneka kwa kwisa kwakwe.

UKUTEMWA KWA KULANGA NGA CA KUTI 37 TULI BASAMBI BENE BENE

1 Korinti 13:1

Nga nalandila mu ndimi sha bantu ne sha bamalaika, lelo ukutemwa nshikwete, naba ica safвали icilelila, napamo amalimba ya nyenjele.

Galatia 5:22, 23

Lelo ifisabo fya Mupashi kute-mwa, ukusekelela, umutende, ukutekanya, icongwe, ubusuma, ici-shinka, ukunakilila, ukuteko mu-tima.

1 Yohane 3:14

Ifwe natwishibo kuti natufuma mu mfwा no kwingila mu mweo, ico twatemwa aba bwananyina;

uushatemwa munyina aikala mu mfwा.

Yohane 21:16

Yesu atila kuli wene kibili umuku uwalenga ibili, Simone, mwana Yona, bushe walintemwa? Atila kuli wene, E Shikulu, imwe mwaliishibo kuti nalimutemwa. Atila kuli wene, Ceme mpānga shandi.

1 Yohane 4:20

Ngo muntu atila, Natemwa Lesa, kibili apata munyina, ninshi wa bufi; pantu uushatemwa munyina uo amona, te kuti atemwe Lesa uo ashamona.

38 UKUBŪKA KWA KWA YESU KRISTU KU BAFWA

Marko 16:9

Awe ilyo abūkile kibili akace-locelo pa bwa kutendeka bwa mulungu, abalilepo ukumoneka kuli Maria umwina Magadala, uyo atamfishemo ifiwa cinelubali.

Imilimo 10:39-41

Na ifwe tuli nte sha fyonse ifyo acitile mu calo ca Yudea na mu Yerusalem; kibili balimwikeye, pa kumukobeka pa cimuti. Uyo wine Lesa amubūshishe pa bushiku ubwalenga shitatu, no kumusokolola, te ku Bantu bonse, lelo ku nte ishasontelwe kabela kuli Lesa, ni kuli ifwe fwe balelya nankwe no kunwa nankwe pa numa ya kwima kwakwe ku bafwa.

Roma 4:25

Yesu Shikulu apōselwe pa mulandu wa mampūlu yesu, no kubūshiwa mu cuti tulungamikwe.

Yohane 20:26-28

Kibili apo papite nshiku cine-konsekone, abasambi bakwe bali mu kati kibili, na Toma pamo na bo. Yesu aisa, nakwisalwa ku mwinshi, aiminina mu kati, no kutila, Umutende ube na imwe! E lyo atile kuli Toma, Leta kuno umunwe obe, umone ne ndupi shandi; ne minwe yobe leta kuno, ubike na mu lubafu lwandi; kibili wiba uushitetekela, lelo ube uute-tekela. Toma alimwaswike, ati, Mwe Shikulu wandi, Lesa wandi!

UKUBŪKA KWA KWA KRISTU KWATULETELE 39 CILOLELO CA BUKATA

Mateo 16:21

Ukufuma lilya Yesu atendeke ukusokolwela abasambi bakwe ukuti ali no kuya ku Yerusalem, no kucule fingi ku bakalamba na bashimapepo bakalamba na baka-lemba, no kwipaiwa, no kubūshi-wa mu bushiku ubwalenga shita-tu.

Roma 6:3-5

Bushe tamwaishiba ukuti fwe bonse ababatishiwe muli Kristu Yesu twabatishiwe mu mfwā ya-kwe? E ico twashikilwe pamo na-nkwe mu lubatisho mu mfwā ya-kwe, ukuti ifyo Kristu abūshiwe mu bafwa ku bukata bwa kwa Wishi, ifyo fine na ifwe twende

mu musango upya wa mweo. Pantu nga twaba abalundwa kuli wene mu mipalanine ya mfwā ya-kwe, tukaba abalundwa kuli we-ne na mu mipalanine ya kubūka kwakwe.

Yohane 5:25 na 28, 29

Ndemwebe cine cine, nati, i-nshita ileisa, na nomba e po ili, iyo abafwa bakomfwe shiwi lya Mwana wa kwa Lesa, na 'bakomfwa bakaba no mweo. . . Mwi-sunguka pali ici; pantu inshita ileisa, iyo bonse aba mu nshishi bakomfwamo ishiwi lyakwe, no kufumamo; abalecite fisuma ba-kabūkila ku mweo, na 'balebombe fibi bakabūkila ku bupingushi.

40 UKUBA ABA MUSHILO MU CINSO CA KWA SHIKULU

1 Petro 1:2

Abasalilwa umwabelo kwishibila kabela kwa kwa Lesa Shifwe, mu kushisha kwa Mupashi, ku kuba aba cumfwila abakaniwo mulopa wa kwa Yesu Kristu: ukusenamina no mutende fifushive kuli imwe.

2 Korinti 7:1

E ico pa kuba ne filayo ifi, mwe batemwikwa, tuisangulule ku kukantana konse kwa mubili no mutima, tube abafishisho mushilo mu kutina Lesa.

2 Timote 2:21

E ico umuntu nga aisangulula ukufuma pali ifi ifyabulo mucinshi akabe cipe ca mucinshi, ica-

shishiwa, kibili ica mulimo kuli Cibinda wa ɔanda, icipapekanisawa ku kubombo mulimo onse usuma.

Luka 1:74, 75

Ukuti, pa kuba abapokololwa ku maboko ya balwani besu, atupēle ukuba aba kumupyungila ukwabulo mwenso, mu mushilo na mu bulungami ku menso yakwe inshiku shesu shonse.

Mateo 3:11

Ine kwena ndemubatisha ku menshi ku kulapila; lelo uuleisa ku numa yandi ancila amaka, uo ine nshawaminwo kusende ndyato shakwe; akamubatisha ku Mupashi wa mushilo na ku mulilo.

UKUBA ABA MUSHILO MU CINSO CA KWA 41 SHIKULU

Efese 1:4

Nge fyo atusalile muli wene ilyo pano isonde pali tapalalengwa, ukuti tube aba mushilo kibili ababula akalema ku cinso cakwe.

1 Yohane 1:9

Nga tuyebelele membu shesu, wene wa cishinka kibili mulungami ukuti atulekelele imembu, no kutusangulula ku kuulungana konse.

2 Timote 2:15

Cincilo kuipēla kuli Lesa ngo wasuminishiwa, umubomfi uushi-

ngaba na ca kukwatalapo insoni, uulungiko kusose cebo ca Cine.

Efese 4:24

No kufwalo buntu bupya, ubwalengelwe mu cipasho ca kwa Lesa mu kulungama no kushila kwa Cine.

Esaya 35:8

Kulya kukaba na cinkwente, inshila, iketwe Nshila ya mushilo; tamwakapitemo uwakowela, na 'batumpa tabakalubantemo.

1 Petro 1:15

Lelo filya uwamwitile abo washila, e fyo na imwe mube aba-shila mu mibele yenu yonse.

42 UKUBA ABAISULAMO UMUPASHI WA MUSHILO

Luka 11:13

E ico, nga imwe pa kuba ababi mwaishibo kupa abana benu ifya bupe fisuma, bushe Shinwe wa mu mūlu takacishemo nga nshi ukupo Mupashi wa mushilo ku bamulomba?

Esekiele 36:27

Kabili umupashi wandi nkabika mu nda shenu no kucite ca kuti mukalaenda mu fipope fyandi, ne fya bupingushi fyandi mukala-filama no kuficita.

Imilimo 1:8

Lelo mukapokelela amaka ilyo ukeso Mupashi wa mushilo pali imwe; kabili mukabe nte shandi...

Imilimo 13:52

Lelo abasambi baisushiwamo ukusekelela no Mupashi wa mushilo.

Roma 8:9

Lelo imwe tamuli bumubili, awe muli mu Mupashi, nga cine cine Umupashi wa kwa Lesa wa-ikala muli imwe. Umuntu nga abulwo Mupashi wa kwa Kristu, wene te mwina mwakwe iyo.

Imilimo 4:31

Kabili ilyo bapāpātile, mwali-tenshiwe mu ŋanda umo balongene; na bonse baisushiwemo Umupashi wa mushilo, no kulan-de cebo ca kwa Lesa no kushipa.

AMALAYO YA KUPAPISHA AYALAIWA KU BENA KRISTU

43

Amalumbo 34:18

**Yehoba aba mupepi na ku ba-
putuke misana, kibili abafunshi-
ke mitima alabapususha.**

Esaya 66:2

**Ifintu ifi fyonse ukuboko kwa-
ndi e kwaficita, no kuleka fibe-
po, cisemo ca kwa Yehoba. Lelo
umulanda, uwapetamo mutima,
uusakama pa cebo candi, e o nya-
ngwa.**

1 Petro 4:12, 13

**Mwe batemwikwa, mwipapa ca
koca ica kumwesha icaisa muli
imwe, kwati cintu ceni icamupo-
nena. Lelo ifyo mukumako ku**

**miculile ya kwa Kristu, sekeleleni;
ukuti na mu kusokololwa kwa
bukata bwakwe, mukasekelele no
kwanga.**

Amalumbo 37:3

**Tetekela Yehoba no kucite ci-
suma, ikala mu calo no kubisha-
nya ne cishinka.**

Ukusokolola 21:4

**Kibili akafûte filamba fyonse
ku menso yabo, ne mfwâ tayaka-
beko kibili iyo; takwakabe kabi-
li ukulôsha nangu kukûta nangu
kucululuka; pa cuti ifya ntanshi
nafiya.**

AMALAYO KU BA KWESHIWA

2 Korinti 4:17

Pantu ubucushi ubwayanguka ubwa kashita akanononono, bulletuteyanishe cintu ca bukata ica pulishamo ica muyayaya.

AbaHebere 2:18

Pantu umo aculile umwine pa kweshiwa, e mo aishibili kwafwa abeshiwa.

Amalumbo 34:19

Ifibi ifiponeno walungama fangi, lelo kuli ifyo fyonse Yehoba alamupokolola.

Roma 8:28

Awe twaishibo kuti abatemwa Lesa, abaitwo mwabela ukupanga

kwakwe, ifintu fyonse fibombe-lako capamo ku kuletako ubusuma.

1 Korinti 10:13

Ica kwesha tacamusanga kano ica buntuuntu fyé; lelo wa cishinka Lesa, uushakamuleke ukweshiwa ukucila muli ico mwinganasha; lelo pamo ne ca kwesha akacita na 'pa kufuminamo, ukuti mube na 'maka ya kucishipikishako.

Esaya 43:2

Ilyo uleabuka amenshi nkaba na iwe, imimana tayakakwibishe; ilyo uleya mu mulilo, tawakapye, no lubingu talwakakoce.

Ukusokolola 2:7

Uuli no kutwi, omfwe ico Umupashi ulesosa ku nkuta: Uwacimfyा, nkamupēlo kulyako ku muti wa Mweo, uuli mu Paradise wa kwa Lesa.

Ukusokolola 3:21

Uwacimfyा, nkamupēlo kwikala na ine pa cipuna candi ca bufumu, ifyo na ine nacimfishe, no kwikala pamo na Tata pa cipuna cakwe ca bufumu.

Ukusokolola 21:7

Uwacimfyा akakwate fi, kibili nkaba Lesa wakwe, na wene akabo mwana wandi.

Ukusokolola 3:5

Uwacimfyा akafwikwe fi amalaya yabūta; kibili nshakapase nakalya ishina lyakwe mwi būku lya mweo, ne shina lyakwe nkalilumbula ku cinso ca kwa Tata, na ku cinso ca bamalaika bakwe.

Ukusokolola 3:12

Uwacimfyा, nkamucito luceshi mwi tempele lya kwa Lesa wandi, na o takafumemo kibili nakalya, kibili nkalembe pali wene ishina lya kwa Lesa wandi, ne shina lya musumba wa kwa Lesa wandi, Yerusalemu mupya uileika mu mūlu ukufuma kuli Lesa wandi, ne shina lyandi lipya.

LESA ALANDA KULI IFWE PA MULANDU WA KULEKANA MU FYUPO

1 Korinti 7:10, 11

Lelo ndeeba abaupana (te 'ne, lelo ni, Shikulu), nati, Umukashi te 'ti alekane no mulume wakwe (lelo ukulekana nga alekana na-nkwe, ekalilile ubushimbe, atemwa awikishiwe ku mulume wakwe); no mulume eleka mukashi wakwe.

Roma 7:2, 3

Pantu umwanakashi uwaupwa, ilyo umulume wakwe acili no mweo akakilwa ku mbela ya mulume; lelo ngo mulume wakwe afwa, umwanakashi alekwamo ku mbela ya mulume. E co aketilwo mucende nga aupwa ku mwaume

umbi ilyo umulume wakwe acili no mweo; lelo umulume wakwe nga afwa, abo wakakulwa ku mbela ya mulume, no kukanabo mucende pa kuupwa ku mwaume umbi.

Luka 16:18

Onse uwaleko mukashi wakwe, no kuupa umbi, acito bucende; no waupo walekwa, acito bucende.

Mateo 5:32

Lelo ine ndemweba, nati, Uwaleka umukashi wakwe amulengo mucende kano pa mulandu wa bulalelale; kabili uwaupo walekwa acito bucende.

Ukusokolola 3:11

Ndeisa bwangu: ikatisha ico ukwete, ukuti umuntu ekupoka cilongwe.

Marko 8:38

Pantu uyo onse uukabela ine ne fyebo fyandi insoni mu nkulo ino ya bucende ne ya lubembu, Umwana wa muntu na o akamubele nsoni ilyo akesa mu bukata bwa kwa Wishi pamo na bama-laika ba mushilo.

Mateo 24:27

Pantu ifyo inkuba itula ku kabanga no kumoneka ku masamba, e fyo kukaba ukumoneka kwa Mwana wa muntu. Ukuli icitumbi, e kulongana amakubi.

Yohane 14:3

Kabili nga naya, no kumupe-kanisho bwikalolo, nkesa kabili, no kumupokelela kuli ne mwine; ukuti uko ndi e ko na imwe mu-kabe.

Yakobo 5:8

Tekanyeni na imwe, ikasheni imitima yenu; pa kuti ukwisa kwa kwa Shikulu kwapalama.

Mateo 24:30

E lyo kukamoneka ne cishibili ca Mwana wa muntu mu mulu; e lyo ne nko shonse sha pano isonde shikapumapo imisowa, no kumono Mwana wa muntu aleisa pa makumbi ya mu mulu na 'maka yakalamba no bukata.

Luka 21:27

E lyo bakamono Mwana wa muntu aleisa mwi kumbi na 'maka no bukata ubwingi.

Ukusokolola 16:15

Moneni, ndeisa ngo mupupu; alishuka uulelola, no kubakishe fya kufwala fyakwe, ukuti eenda bwamba, kabili bemona nsoni shakwe.

Luka 12:40

Na imwe mube abaiteyanya; ico Umwana wa muntu akesa mu nshita mushikashile.

1 Yohane 3:2

Mwe batemwikwa, nomba tuli bana ba kwa Lesa; kabili kucili

takulamoneka ifyo tukaba. Natwishibo kuti nga amoneka, tukamupala; ico tukamumona ifyo aba.

Imilimo 1:11

Abo batile, Mwe bena Galili, cinshi mwimininine mulelolesesha mu mūlu? Uyu Yesu uwasendwa pali imwe no kutwalwa mu mūlu, akesa ifi fine umusango uyu wine mwamumwenamo aleya mu mūlu.

Mateo 16:27

Pantu Umwana wa muntu ali no kwisa mu bukata bwa kwa Wishi pamo na bamalaika bakwe; kabili e lyo akalambulo muntu onse umwabele milimo yakwe.

ICEBO CA KWA LESA

Amalango 4:2

**Te kuti mulundeko ku cebo ico
ndemweba, nangu kufumyako,
ku kuleka muumfwe amafunde
ya kwa Yehoba Lesa wenu ayo
ndemweba.**

Mateo 22:29

**Lelo Yesu alyaswike no kutila
kuli bene, Mwaluba, ico mushai-
shiba amalembo, nangu maka ya
kwa Lesa.**

2 Timote 3:16

**Amalembo yonse yantu yapū-
twamo kuli Lesa, kibili ya muli-
mo ku kusambilisha, ku kwe-
baula, ku kulungika, ku kufunda
kwa mu bulungami.**

2 Petro 1:21

**Pantu ku kufwaya kwa buntu
takwaletwa kusesema nangu limo,
lelo ni pa kobelwa ku Mupashi
wa mushilo e po abantu ba mu-
shilo balandile.**

Amalumbo 119:11

**Mu mutima wandi nabikamo
icebo cenu, ukuti nibembuka kuli
imwe.**

Amalumbo 119:105

**Icebo cenu ni nyali ku makasa
yandi, kibili lubuto ku nshila ya-
ndi.**

Luka 21:33

**Umulu ne calo fikapita, lelo
ifyebo fyandi tafyakapite.**

**Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:**

**World Missionary Press, Inc.
P.O. Box 120
New Paris, Indiana 46553-0120 USA**

Zambia

Tanzania

Zaire

11 Bemba